

Contact Numbers pawimaw :
 DC/CCPur : 03874-234234
 SP/CCPur : 03874-236747
 Police Station : 03874-202248
 SP Control Room: 03874-233239
 Dist. Hospital Casualty : 03874-233370
 Fire Brigade : 8974 147 799/
 8258 057 887 / 8974 103 600
 SP Hotline Number 7085-256-377



Hmasawwna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Hmasawwna Thar Vol - 32/217

Churachandpur

email : hmasawwnatharnews@yahoo.com

Phone: +91-3874-236846

Rs 6/- per copy

DC/CCPur sawn, DC thar dingin SL Poonia ruot



CCPUR: Manipur sawrkar chun IAS le MCS Officers 25 hai Transfer & Posting Order May 25, 2017 khan an suo.

Hi dungzui hin DC, CCPur ni lai mek R. Sudhan, IAS chu Special Secretary (Tourism, RD & PR), & SMD (MSRLM) dinga sawn a ni a, DC, CCPur thar dingin Shyam Lal Poonia, IAS (DC/Thoubal ni lai mek) ruot a nih.

Chun, Pu B John Tlangtinkhuma, tuta DC/Tamen-glong sin thaw lai mek chu Director (Education-U) &

Chairman COHSEM, Joint Secretary (Hr. & Tech. Edn.) dinga ruot a nih.

R. Sudhan chun wawisun 3 PM vel hin DC, CCPur sin chu Shyam Lal Poonia, IAS kutah inhlam a ta, hi zo hin Churachandpur suoksan in Imphal a pan nglah ding niin a hril. R. Sudhan hin thla 4 vel chau DC, CCPur sin hi a chel hman a nih. Manipur-ah kum 11 lai a service ta a, Deputation-a fe a hni a, chu thil chu process mek niin a hril. A veng le ram tienga zu um chu a nuom ta niin a hril.

BPL han Free LPG Connection

CCPUR: SECC Census-2011 a hming chung BPL families hai chu LPG Agencies haiha Security Deposit pek tul lovin PMUY (Ujjwala) Scheme hnuoiah LPG connection thaw thei a ni a. Hi le inzawm hin BPL family hai chu hi scheme

hnuoia LPG Connection inhin dingin Churachandpur District LPG Distributors chun inhrietirna an siem.

PMUY (Ujjwala) Scheme hi June 5, 2017 khin City Convention Centre, Imphal hmunah tlangzar a ni ding a nih.

Lawmpuinain Rs. 10,000 a pek

CCPUR: Council of Higher Secondary Education Manipur (CoHSEM) hnuoia Class XII Exam 2017 result suoka Arts Stream a Manipur-a Top 7 position latu Ms Thienhoi

Kipgen of Sielmat Christian Higher Secondary School chu May 26, 2017 khan School Principal Isaac L. Pakhuongte in lawmpuinain Rs. 10,000 an hlan.

CHANCHIN LAKTAWI

Hmar Returnees meeting

CCPUR: May 28, 2017, zantieng 1:00PM khin Pu Lalzuoielin In, Saikawt, CCPur-ah Hmar Returnees Association (HRA) Meeting ko a nih. H huna hin member hai chu kim taka thang seng dingin Secretary le Chairman, HRA han inhrietirna le fielna a siem.

Training zo

CCPUR: ADC, CCPur hnuoia Agriculture Department hmalaknaa ni 2 sung aw Council Hall, Tuibong hmuna "Human Resource Development Training of Farmers on Mushroom Cultivation and Vermicompost Preparation" neia um chu zanikhan zo a nitah.

Zanikhan S. Romendo Singh, Agri Officer (Soil Conservation), ADC, CCPur resource person in a thang. Training a hin mi 280 vel an thang a nih.

Commissioner in a kaisang

CCPUR: Pu Challienkhum Songate, IRS, Additional Commissioner, Chief Commissioners Office, Central Excise, Customs & Service Tax, Govt. of India, Shillong hmuna thaw lai mek chu Commissioner in a kaisang.

A kaisangna hi ei chanchinbu chun a lawmpui hle. (Virthli)

GAS NEWS

Agency : KIM JOE
 Booking : 9th. Feb., 2017 to 9th. March., 2017
 Delivery: 26-05-2017 (SAT)
 Time : 9AM-till stock
 STOCK: 276
 Commercial 19kg available
 DBC/NC/UJJWALA

Prime Minister-in India Rama Leilak seitak a hawng BJP chun mipui a ringzo a, chu chu a hrâtna a nih: Modi

GUWAHATI: Prime Minister Mr Narendra Modi chun a sawrkâr kum thum a tlingna ni charin, India rama leilak seitak, Km. 9.15 zeta sei, Brahmaputra vadung chung a daw Dhola-Sadia Bridge, Tinsukia district, Assam-a mi chu Zirtawpni dar 10:45am khan hmgang thei dingin a hawng. "Kum 50 zet in lo beisei tah leilak chu ka hawng fel tah" tiin a hril.



Assam le Arunachal Pradesh zawmtu ding, three-lane leilak hin Dhola le Sadia thlung zawm a ta. NH 37-a Rupai (Assam) le NH 52-a Meka-Roing (Arunachal Pradesh) inkar chu Km.165-a suktawin, an pahni kar motor tlan sung darkar ruk ni hlak kha darkar khat chauvin a thung thei tah ding a nih. Ni tinin thautui Rs.10 lakh man a save zie thei tah bawng ding a nih. Hi leilak hi Assamese hlasakthiem Bhupen Hazarika hming chawia Mr Modi hin a sak a nih.

May 26 (Zirtawpni) BJP sawrkâr kum thum a tling ni char le Assam-a BJP sawrkâr kum khat a tlingna ni char le inzawma program hi siem a nih a. Kum

thum sunga BJP sawrkâr hmalâkna le hlawtlingnahai pholangna le lawmna hun bik dingin ni 20 sung, June 15 chen India ram khawpui 900 haiha MODI Fest hmgangin lawm sunzawm a tih.

Mr Modi chun leilak a hawng zo hin, a program intep tak kârah leilaka hin minute hni vel a va lawn a, boruok thienghlim chu a la hei hip veng veng a, lungmuong takin a program nawk ding Foundation Stone pahni; AIIMS, Changsari, Kamrup dist. le

India Agriculture Research Institute (IARI) extended campus, Gogamukh, Dhemaji district hai hawng dingin a fe nawk tah a nih.

Prime Minister chun, "Hmasawwna dingin infrastructure a pawimaw hle a. Hi leilak khawm hin Assam le Arunachal Pradesh kâra sumdâwngna le infepawna sukhangkang a ta. North East ta dinga hmasawwna lampui thatak a ni ding a nih," tiin a hril. "Hi leilak ei hawng hin a biel mipuihaiin sâwt taka inthawka an lo beisei tah ei sukpuiting a

nih" tiin a hril.

Ni dang chu Brahmaputra vadung hilai hmun hi kan thei a ni nawh a. Kan nuomhai khawmin sunah chauh lawng hrât naw deua kan a ngaia, fur lai lem chu thei lo a nih. Tuhin chu minute tlâwnte sungin kan thei an tah ding a nih. Upper Assam le AP infepawna tha tak a siem bâkah hydro project tamtak la bawl dinghaia ding khawmin tangkai a ta, development zau takin fepei a ni thei tah ding niin a hril. "North East hin eco-

nomie development-na ding India hmingthatna ding sukhausakna ding tamtak a nei a, hi project (leilak) hi sawrkâr thlungpui thiltum tamtak laia pakhat chauh a la nih. Biel mipuihai ta dinga hmasawwna sirbi ding a nih a. Hi bâka hi tuilam (water ways) hai khawm sukhangkang pei tum a nih. North East infepawnahai siemtha peiin South East Asia chen ei thung ding a nih" tiin a hril baw.

A sawrkâr kum thum a tlingna le inzawma an hlawtlingnahai hrilin, "BJP sinthaw dan chu a danglam a. Mipui a ringzo a. Chu chu a hrâtna a nih" tiin a hril. BJP President Amit Shah chun, "Kum thum sungin BJP chun politics-a hmawsawwna daltu pathum - casteism (hnam inthli-erhrangna), Family Rule (sûngkuo rorêlma) le Appeasement (insuklungawina) a sukbo a. India chu khawvêlah uongpui khawp dingin a pholang a nih" tiin a hril.

Prime Minister Modi thuoina hnuoiah India hmasawwna chu kum thum sungin a let sawmthumin an thang niin a hril a. Modi

hlawtlingna lawmna dingin MODI Fests (Making of Developing India Festivals) ti hming chawiin ni 20 sung India khawpui 900 ah program hmgang ning a ta. Assam ah panga um dingah Zirtawpni khan tan a nih a. State tinah BJP CM le an rawihain sawrkâr hlawtlingna hai mipui inem-tirna ding program buotsai an tih.

Amit Shah chun BJP sawrkâr thiltawh demtuah kuomah sawrkâr hmasa haiin iem an thawa ti indawn hmasa raw hai se, tiin a dawn a. "Thenkhatin Modi sawrkarin iem a thaw leh? An tih a. Sawrkar dang hain kum 70a an thaw thei lo kum thum sungin a thaw ka ti nuom a nih" tiin a hril.

PM Modi chun Twitter ah khawm, "Kum thum sungin mipuihai hringnun nasataka sukdanlamina a um a nih" tiin a post a. Mipuihai chu sawrkarin a la thaw lo, thaw ding a ta ha an hriet hai chu hril pei dingin a ngên baw a. Narendra Modi App hmganga survey ah thanga gaidân hai thaw ve dingin a fiel a nih.

Cancer le Mental Hospital ei nei thei ding

IMPHAL: Zanikhan Classic Hotel, North AOC, Imphal-ah "Learning Together; For a Sustainable Development Goal" ti thupui hmgangin One Day Advocacy-cum-Discussion on the National Programme under NHM, Manipur nei a nih. Hi huna hin Health & Family Welfare

Minister L. Jayantakumar khuollienin a thang. State sawrkar chun sawrkar thlungpui kuomah Cancer Hospital le Mental Hospital Manipur-ah indin dingin a ngen a, hi ngenha hi sawrkar thlungpui chun a remti a. Hi lei hin Manipur chun Cancer Hospital le Mental Hos-

pital ei nei thei ding a nih tiin L. Jayantakumar chun hi huna a thu hrilna huna a hril. Mitinin rights chi hran hran ei nei a, chuhai lai chun Rights to Life hi a pawimaw tak pawl a nih. Hi lei hin ei humhim ding a nih tiin L. Jayantakumar chun a hril baw.

District Hospital, Jiribam suksiet



JIRIBAM: District Hospital, Jiribam-ah specialist Doctors, Doctors, Nurses le staff dang dang huntawk sie

dinga Jiribam mipuiin State sawrkar an ngenna chu ngaisak a ni naw lein Jiribam mipui an lung a sen a, zanikhan District Hospital, Jiribam building an suksiet nuol bakah Hospital hi an khar niin ei thu dawngna chun a hril. Hi Hospital hin Specialist Doctor an la nei ngai der naw bakah Doctor-ah khawm inzinguta sawn hmgang an ni hlak niin Jiribam mipui chun an hril. District Hospital, Jiribam hi October 31, 2016 a kha O. Bobi Singh in CM a ni laia a hawng a nih.

Manipur Employment Exchanges hai sin dita in registered 8,12,809 an tling

IMPHAL: Manipur-a Employment Exchange tum tum haia December, 2016 chena sin dit leia inzieklut chu mi 8,12,809 an tling phak. Employment Exchange hran hran haia in registered hai laia 5,69,310 chu pasal an ni a, 2,43,508 chu nuhmei an nih.

Sin dita in registered tamma tak chu Imphal West

niin sin dita inzieklut mi 2,11,071 an um a, hi lai hin pasal 1,35,747 le nuhmei 75,324 an um. Imphal East-a sin dita in tling phak. Employment Exchange hran hran haia in registered hai laia 5,69,310 chu pasal an ni a, 2,43,508 chu nuhmei an nih. Sin dita in registered tamma tak chu Imphal West

Pensioner hai Aadhar le Jeevan Praman thaw mek

CCPUR: District e-Governance Society (DeGS), Churachandpur hnuoia Common Service Centre (CSC) le District Treasury Office, CCPur hai thanguola Treasury Office, Tuibong hmuna Pensioner/family pensioner hai ta dinga Aadhaar le Jeevan Praman (Digital Life Certificate for Pensioners) suktuokna sin a fe mek. Hi thil hi May 12, 2017 a inthawka tan a ni a, May 31, 2017 chen thaw dinga ti a ni a, sienkhawm Dept. of Information Tech. a inthawk inhrietirna hmu dungzuiin June 10, 2017 chen dinga suksei a nih.

Zanikhan Token number 950-1,150 inkar pensioners mi 200 hai suktuok pek an nih. Aadhar le Jee-

van Praman suktuokna dinga hin Aadhar Card chaw a tul a, hi thil zo a ni pha pensioner-han thla 6 dan peiah Treasury Office-ah thla laa an fe tul tanaw ni a, Aadhar hmgangin Digital Life Certificate (DLC) update kum khatavikhat pei District sanga Common Service Centre hai fethlengna thaw thei a nita ding a nih.

CCPUR district sungah pensioners 4,751 an um a, hienghai lai hin Civil pensioner khawm 3,000 chung an um a nih. Manipur sawrkarin "100 Days work program" laia a sie Digital India hnuoia state sanga pensioner/family pensioner hai ta dinga Jeevan Praman thunlutna hi thaw a nih.

June le July thla sung Aadhar thlalak ding

CCPUR: Manipur sawrkar thupok dungzuiin June le July, 2017 thla sung khin Sub-division tum tum 8 haiha Aadhar thla lakna um a ta, National population Register fethlengin hming um tasa han Aadhar a ding thla la thei an tih tiin R. Sudhan, IAS, DC, CCPur chun inhrietirna a siem.

JSSK sum sem sunzawm

CCPUR: Janani Suraksha Yojana/Janani Shishu Suraksha Karyakaram (JSY/JSSK) JSY/JSSK Cell, District Hospital chun May 26, 2017, 10:00AM a inthawk khan nuhmei naunei hai thanguina sum

Biometric Enrolment Action Plan siema um tasa angina SDOs hai chu a remchang dungzuiia hi thil hi fepei dingin an hrietirna a, Public Leaders, Church Leaders, Youth leaders, VA, Lal le Voluntary Organisation tum tum hai chu official hai thlawp dingin a ngen baw.

semna sunzawm a nih. Thanguina sum sema um hi March, 2017 chena nau nei hai kuoma sem a ni a. Fund umdan izirin hmatiang thanguina hi sem pei la ni dingin ei thu dawngna chun a hril.

Hmar Inpui, Special Assembly nei; Assembly Secretariat Officers ding hai thlang an nih

CCPUR: May 26, 2017 (Friday) 11 AM - 2 PM khan LJ Memorial Hall, JJ Plaza, Rengkai Road, CCPur, Manipur hmun ah Hmar Inpui, Special Assembly (9th Hmar Inpui Assembly) nei a nih. House Invocation Dr. Vanlalngahak, Assembly Speaker in a nei a. Chu zo chun Pathien kuoma tawngtaina Rev. (Dr.) V. Lalngahakthang Secy., Hmar Christian Leaders' Forum (HCLF) in a nei a. Presidential Address Pu Joseph Lalrothang, President, Hmar Inpui, Gen. Hqrs in a nei a. Hmar Inpui hmalakna le hmatiang a thil tum hai hrillangna a nei baw.

Bussiness Session hun a chun Agenda tum tum hai



Assam; Assembly Secretary: Pu Lalthalien Khuongpui, Manipur (Uncontest) le Deputy Assembly Secretary: Pu. R. Th. Varte, Meghalaya (Uncontest) hai an nih. Hi huna hin Hmar Inpui hnuoia affiliated bodies 9 a inthawk le region/co-ordination committee palai 52 lai fekhawmin an thang a nih. Thlangting a um, hi huna um le mani taksa ngei inlang theihai chu Chief Election Officer Rev. Rohminglien Pakhuongte, Chairman, HCLF in Oath Taking an nei tir zoin Rev. (Dr.) Lalthmuoklien, Asst. Secy., HCLF in thlang thar a um hai Pathien kuoma tawngtai pekna le hun khar tawngtaina a nei zoin hun hmgang zo a nih.

Assam; Assembly Secretary: Pu Lalthalien Khuongpui, Manipur (Uncontest) le Deputy Assembly Secretary: Pu. R. Th. Varte, Meghalaya (Uncontest) hai an nih. Hi huna hin Hmar Inpui hnuoia affiliated bodies 9 a inthawk le region/co-ordination committee palai 52 lai fekhawmin an thang a nih. Thlangting a um, hi huna um le mani taksa ngei inlang theihai chu Chief Election Officer Rev. Rohminglien Pakhuongte, Chairman, HCLF in Oath Taking an nei tir zoin Rev. (Dr.) Lalthmuoklien, Asst. Secy., HCLF in thlang thar a um hai Pathien kuoma tawngtai pekna le hun khar tawngtaina a nei zoin hun hmgang zo a nih.

WNTD le inzawmin Painting Competition nei



CCPUR: National Tobacco Control Program (NTCP) hnuoia District Tobacco Cell, CCPur hmalaknain May 26, 2017, 1:30PM khan May 31, 2017 nia "World No Tobacco Day, 2017 hmgang ding le inzawmin Poster painting competition nei a nih.

an thang a, "Tobacco - A Threat to Development" ti thupui hmgangin Poster ziek inelna an nei a, lawmman chu May 31, 2017-a World No Tobacco Day hmgang huna sem ning a tih.

World No Tobacco Day hmgang ding le inzawm hin May 30, 2017, 10:30AM khin Police Station, Old Bazaar le Dorcas Hall, New Lamka inkar haiha "Nursing Student One Hour Walk" nei ni baw a tih.

District Nodal Officer Dr Chingnunsiam chun, дума siem thil Tobacco

product dang dang hai thaw le ching lein India ramah kumtin mi nuoi 8 lai an thi zie anga hisap a ni a, hi lei hin Ministry of Health and Family welfare chun дума siem thil fak le hmuom suktlawmna dingin theitawpin hma a lak a nih tiin a hril a, hawp le huom ching zawngsak tawpsan nuom hai thanguip dingin District Tobacco Control Cell chu inpeisaa um a ni thu a hril baw.

Dist. Level a World No Tobacco Day, 2017 program hi MS Conference Hall, District Hospital, CCPur-ah hmgang ning a ta, khuollienin Shyam Lal Poonia, IAS, DC, CCPur thang a ta, functional president in Dr. Kimngaihing Simte, CMO/CCPur, Dr J. Son Gokham Samte, MS, Dist. Hospital le Rakesh Balwal, IPS, SP, CCPur hai Guest of honour le special invitee in an thang ding a nih.

VAWISUN THUPUI

Lalpa chu lung inuotak, zainemna hau, ritlonahai, bawsietnahai ngaidam hlak a nih. Amiruokchu thiemlova ruota umhai insuoktir el ngailo, pahai ritlona leia nauhai nauhai nauw chon, suon thumna le suon lina chen khawma hrem hlak a nih. - *Nambar 14:18*

**Editorial
Hlawtlingna**

Hlawtlingna hi a thain a hlu hle a. Hi lei hin mani thil thawn sengah hlawtling ngei tumin hma ei pu sup sup tawl a nih. Hlawtlingna ti lemah, ienganga hlawtling ding am ti le chu hlawtlingna chu ienganga hlawtling ding am ti hai chu a pawimaw nawk pei a nih. Hi kawngah hin hril ding tam hleng a tih. Hlawtlingna nei ding chun a hmasa takin tumna, ngaituona, taimakna, tumruna, tuorselna, ringumna, thaw tal talna, vawikhat hlawsamna khawm lungnuol lova thawnawn nawk pei nuomna le huoisemna nei a tul hlak. Chun, mi hlawtling ni ding chun tumna le ngaituona kha mi pangngai ngaituona chungah an vavr kai dawr phawt a ngai. Hiengang bawh hin mi-hai neka inrim ding, taima ding, tuorsel ding le tumru a ngai hlak. Chuong a ni naw chun hlawtlingna hi awlsam taka hmu, nei le chang thei a ni der nawh.

Hlawtlingna hi van a inthawka hung tla thla tawp el a ni nawh. Thaw inrim, taimak le tuorselna ra tak meu meu a nih. Ei Pathien thu khawmin, thaw inrim dingin a min chuktir a nih. Ieng hnam, ieng mi khawm ni inla a tul hmasa chu taimakna, mihai neka thaw pei mi ni a ngai phawt a nih. "Thaw pei nawtu chu nei tlak khawm a ni naw a, fak khawm fa naw raw seh" tiin ei Bible chun a hril a nih.

Chun, hlawtling ding chun, mani sin le mawphurna thafan tak le phur taka thaw pei mi a ngai bawh. Mi hlawtlinghai hi an hlawtlingna thuruk hang indawn inla, an mi dawna chu taima takin sin an thaw a, huoisem takin mawphurna an lak a, ringum le indik takin an thaw leia hlawtling an ni thu mi hril ngei ngei an tih. Khawvelah hin mi thabo le zawmthaw mi hlawtling an um thu hriet a la ni ngai naw a, khawvel um sung hin hriet ni ngai bawh naw nih. Mi thabo chun sawl taka sinhaw le sin inrum a thaw pei ngai nawh. A thabo lein siemfama suonlam siemzing a ta, a hung pasie deu deu ding a nih.

Sinhaw hlawtling lo chu an todel ngai naw lein ei hnam intodelna dingin mihriem lungriah sin thaw nuomna le peina ei tu a ngai a nih. Chu ding chun naupangte a inthawkin a chungah ei thu hril hi ei inhrietfuk tir ding a nih. Chuongchun ei hnam intodel zo lova fe lai mek hi hnam intodel hung ning a ta, ei suon le par la hung um pei dinghai khawm mi hlawtling le mi intodel an hung ni thei pei ding a nih. Mi taima kutdawa invak khawvelah hin an um ngai nawh. Hiengang bawh hin mi thabo hi khawvela hin mi hlawtling hril an la umnawh. Thabona hi mitin hmema, pasiet inthanna bulpui a nih.

Mi thenkhatin ka lekha inchukna kawnga ka hlawsamna chu kan pasiet lei a nih tiin suonlam an siem hlak. Amiruokchu, retheina le pasietna hai hi suonlam a tling nawzie chu tuta tuma class-XII result suoka Commerce Stream-a position palina la, Thounaojam Loyangamba a inthawkin an lang cheng hle. An rethei dan chu nitina inhlawfa an nih. Result suok ni khawm hin in bawlana cement chawka inhlaw a nih. Inchuklaihai ta dinga mi entawntlak a nih.

Pasietna suonlamin siem ve sienla chu tuta a ngirhmun hi chang naw ni a, class-XII exam a khawm top 4 position la naw nih. Pasietna suonlama siem lova huoisem tak, taima tak le tumru taka a hmalak ngamna lein tuhin hlawtlingna hlu takel a hung chang ta a nih. A lekha inchuk peina ding kawngah khawm harsatna a nei ta naw a, fak le dawn, in le lo tu haia khawm kawl a hung eng tan vawng ta a nih. A hlawtlingna hi an rimna ra, a taimakna ra, a tuorselna ra, a tumruna ra, a nu le a pa tu a awina ra, an insung ngirhmun hriae transe lova a hmalak ngamna hung rasuok a nih.

ALL INDIA RADIO: CHURACHANDPUR PROGRAMME		
Date: May 27, 2017 (Inrinni)		
TRANSMISSION- FM-101.4 Megahertz		
Hours	Studio/CR/P	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (Thadou) Nengkhochin Haokip
5.05pm	P	Local Announcement/Prog. Summary
5.10pm	P	Minor Dialect (Zou): Kaisuanlian & party
5.25pm	P	Health Hints (Thadou): How to use papaya leaf juice for dengue fever - by Niangnemching
5.30pm	P	PAITE Prog. Sig. Tune & Announcement Announcer: Niangnemching 1) Mualkawi PCF (dev) 2) Children variety prog. (Muangminthang & party) 3) Employment News
6.00pm	P	HMAR Prog., sig. Tune & Announcement Announcer: K. Edith 1) Joslyn Darthangpui & party 2) Employment News
7:00PM	P	THADOU Prog., sig. Tune & Announcement Announcer: Tingbem 1) Liminlien Lungdim 2) Employment News
		Farm & Home: Thadou 1. Jangkhoel Haokip & party 2. Talk: Credit guaranteed fund for small industry - by Priscilla Singson

Editorial Board

Lalmalsawm Sellate: Editor & Publisher

Roding L. Sellate: Jt. Editor

Joseph Joute: Freelance

Lalsansuok Pulamte &

Samuel Zothanglien@SZ Zote: Sports

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

CULTIVATION OF RAPE SEED AND MUSTARD FOR OIL

(Thau/Tel Suksuokna dinga Rape seed le Tel Anjam ching dan thuah All India Radio a Pu Lalmuok Famhoite, Rengkai, Churachandpur interview-na)

Q1. Rape seed le Mustard danglamna iem ana?
Ans : Rape seed ei ti hi thau sawr chi, a par eng chi hai hi an ni tak. Rape seed hi thau hlawk tak hme zeuna le pickle a hai an hmang hlak. Mustard seed chu Anjam chi khat, Tel Anjama inthawka lak suok a nih. Rape seed le Mustard seed hi Anjam family a mi hriek nei ve ve an nih a, an nina hi inthe theilo anni lein hril kawp hlak anih.

Q2. Rape seed le Mustard (Tel Anjam) hai hi India ramah ieng ang ngirhmun a hau phak a?
Ans : Rape seed le Mustard (Tel Anjam) hai hi tel/thau suokna dinga thlasika ching uor deu tak hai an nih a. Badam (Groundnut) ti loa chu India rama hriek suksuok rawn tak nina a hau phak a nih. India rama Rape seed le Mustard ching uorna hmun hai chu Uttar Pradesh, Bihar, Orissa, West Bengal le Assam hai an nih. India hi Rape seed le Mustard seed khawvela suksuok rawn tak ngirhmunah a chuongkai phak hiel a nih. Kum tin India ramin Rape seed le Mustard 1.62 million tonnes a thar phak a nih.

Q3. Rape seed le Mustard ei ti hi khawlai rama inthawka suok le indar tan am a na?
Ans : Rape seed le Mustard hi China rama hmuok tan a nih a, chu hnungin China a nthawk India rama phurlut hmasak a nih a, India rama Punjab fethlengin Afghanistan rama phurlut nawk pei a nih.

Q4. Anleh, khawvelah khawlai ram hai am ching uor a nih a?
Ans : Rape seed le Mustard chingtu ramhai chu: India, Canada, China, Pakistan, Poland, Bangladesh le Sweden hai an nih.

Q5. Rape seed le Mustard tangkaina hai mi hang hril ta?
Ans : Rape seed le Mustard hriek/thau hi hme zeuna in hmang a nih a, a mu le hriek hai hi pickles siemna a dam, hme le thlaihna le grease siemna in an hmang hlak. A fe chu ran chwamna le hnuoi thatnain hmang a ni a, a kung hring chu ranbu dinga hmang thei ani bawh. A hna dawng chu hme tha tak le sulphur le mineral huntawk petu a ni bawh. Industry a khawm Anjam hriek hi savun inchie zawitua hmang hlak a nih.

Q6. Rape seed le Mustard chingna dingin ieng ang climate le pil am a mamaw a?
Ans : Rape seed le Mustard hai hi tropical a an that nuom zing laiin temperate zone ah an tha nuom em em. An inthang thatna ding ruok chun boruok dei le tawl an pawimaw bawh. An inthang duong hunah chun hnuoi hnawng an mamaw a, an puilting huna ruok chu boruok tawl le fai an mamaw nawk thung. India rama chun thlasik boruokin a tuom hun September - October a nthawk February - March hin an ching hlak a nih.

Rape seed le Mustard hai hi phaiphin hnuoi amanih piltak hnuoia hai an tha thei vawnga. Phaiphin hnuoi le piltak inpawl, hnuoi inthaw deu hmunah an

tha nuom zuol a nih. Tui inthang theina hmun le pil indenna hmun haia chu an tha thei nawh.

Q7. Rape seed le Mustard hi iengtik huna ching dim ning a ta?
Ans : Rape seed le Mustard hai hi a ching hun taka ching le ching naw hin productionh umzie a nei nasa hle a. Inhma taluoa ching amanih inhuu taluoa ching chun a thar hlawk thei ngai nawh a, chuleiin, a chingna dinga hunbi thatak hai chu hieng hai hi an nih: Rai(Mustard) ching hun tha chu September - October anthawk February - March a nih. Chun, ruotui 25 to 40 cm a mamaw bawh. Chun, Sarson le Taramira hai hin ruotui tlawm tieng an mamaw a, Raya le Toria hai ruok chun ruotui tam tieng deu an mamaw nawk thung.

Q8. Rape seed le Mustard hi ieng anga ching dim a na?
Ans : A mawngthat theina ding chun a chingna ding hnuoi kha fai taka inthiel hmasak phawt a, vel hni, vel thum tukdur ding a nih. A thena ding indur tha taka keilet zoin a chi the tan chau ding a nih. A chi mamaw zat chu 5-6 kgs.per hectare a nih. A chi the tawmin zan khat phaiphin hnawng le chawkpawla thein a mawng tha nuom bik.

Q9. A sik hun le sik dan mi hril thei i ti?
Ans : A chi thea inthawk ni 75-90 sunga sik ding a nih a, a kawr a hung eng pha leh sik thei tah tina a nih. A sik dan ding chu kawite hmanga at a, hrizawla sie tawl hnung ni 5-6 hnungah hmaw hmangin amanih, bawng inchiltir ding a nih.

Q10. Rape seed le Mustard suksetu natna hriek ieng iem a um a? A enkawl dan ieng ang am ning a ta?
Ans: Natna hriek thlai sukse theitu tamtak an um a, chu laia an lar zuol deu deu hai chu Alternaria Blight, Downy Mildew le White Blister hai an nih.

(1) **Alternaria Blight :** Hi natna hi fungus chi khat ani a, thlai hna, a kung le a kawr hai a hung dum hlak.

(2) **Downy Mildew :** Hi natna hi fungus sinthaw chi khat anih a. Thlai hna a hung eng a, a hna chungtieng a dumin a kap tiktek a, a hna hnuoi tieng a hung var hlak.

A enkawl dan : Pari khat peiah Zineb 0.2% amani Karathane 0.1% in tum hni bek ni 10 dana kap ding a nih.

(3) **White Blister :** Hi natna hi mitlawnga hmu el thei lo, fungus sinthaw bawh a nih. Thlai kung, a hna le a par hai a varin a hung kap hlak anih.

A enkawl dan : A natna hmu charin Pari khatah 0.2% Zineb amani Difolatan in kap ding a nih.

Thar thei zat : A chi improved varieties le a damdawia tha taka enkawl a ni chun Rape seed ah 14-20 quintals hectare khatah a thar thei a, Mustard ah 20-25 quintals hectare khatah a thar thei bawh.

PM-in IARI Campus thar ding a hawng

GUWAHATI: Prime Minister Mr Narendra Modi chun Indian Agriculture Research Institute, Gogamukh, Assam indinna ding lungpum Zir-tawpni kha a phum a. Mipui 80, 000 vel fekhawmhai kuomah, "Hi lungpum hi Institution pakhat lungpum el a nih naw a, North East pumpui hmasawna ding lungpum a nih, tiin a hrila.

"North East hin hmasawna ding tamtak a nei a. Khawvela Organic Hub lien tak nih thei ding a nih. Chuleiin, India chun 2nd Green Revolution chauh nih lovin Evergreen Revolution a fepui lem ding a nih" tiin a hril bawh.

Prime Minister chun losinthawtu-

hai ta dinga scheme thar "Sampadha" ti a hawng ngahl bawh a. Agriculture product sukhmasawna ding Rs.6, 000 crore riruongna a nih a. Public Private Partnership sukhratna ding le a hnung peia Foreign direct Investment (FDI) sukhratna ding a nih. North East chu India le khawvel leh lampui (Path) pangain a thlungzawm ding a nih; Highway, Railway, Waterway, Airway le I-Way, chu chu Information Way hai an nih, tiin a hril bawh.

Losinthawtu hai sukhchangkangna ding le thlai thar tam lem inthar theina dingin scientific research thaw pei a hril a. India ram hnam hran hran ei um angin thlai chi hran hran

hnuoi/pil chi hran hran le thlai ching dan chi hran hran a uma. Sukchang-kang pei an tul a nih, tiin sawrkhar chun losinthawtu hai sukhmasawna dingin Farmer Card le scheme hran hran a siem niin a hril a.

PM Modi chun a vision 2022 dungzui chun losinthawtu (farmer) hai thaw suok a leta sukpong (double income) a nih, tiin a hril a.kum thum sungin pil hriselna (soil health card labs) khawm India ram pumpuiah 15 a inthawka 9, 000 in a kaisang niin a hril bawh. Hi huna hin Assam CM Mr Sarwananada Sonowal le Governor Banwaril Purohit le Union Agriculture minister Radha Mohan Singh hai khawm an thang.

BJP candidate-a lungruolna a umnaw le chau candidate nei an tum

NEW DELHI: President Election hung um ding le inzawmin zankhan Congress President Sonia Gandhi chun Opposition parties meeting a ko a, President election hung um dinga Opposition joint candidate ding chungthu an hriltlang.

Opposition party leaders hai chun BJP chu President le Vice-President candidate ding thuah political parties hai lungruolna a zawng nawh tiin an sawisel. Party tum tum hai lungruolna candidate an siem



naw a ni chun Opposition han common candidate an siem ding thu an hril. Thaw dan pangngai a chun sawrkarna siem-

BJP khawmin President candidate ding an ngaituo tan

NEW DELHI: India President ni lai Pranab Mukherjee term tawp ta ding le inzawma President thar thlangna hung um ding le inzawmin BJP t huoituhai khawmin President candidate ding chungthu hma an lak tan mek.

Hi chungthua hin PM

Narendra Modi chun Home minister Rajnath Singh, Foreign minister Ms Sushma Swaraj, finance Minister Arun Jaitley le Road Transport minister Nitin Gadkari hai khawm informal meeting neipuiin President candidate ding chungthu hi a lo hrilpui ta a, BJP

national President Amit Shah Telangana hmuna a cham mek lein formal taka hriltlangna chu an la nei theinaw a, sienkhawm BJP chun President le Vice President candidate nei ve ve tha an ti niin ei thu dawngna chun a hril.

Opposition party hai khawmin Congress Presi-

IAS/MCS Officers Transfer & Posting

- Ms Jacintha Lazarus**, IAS, Special Secretary (Health) as Director (Social Welfare) & SMD, ICDS
- M. Harekrishna**, IAS, DC/Bishnupur as Relieved for joining as Director (Census), Manipur appointed by Govt. of India under CSS
- Bobby Waikhom**, IAS, Relief from DC, Chandel & attached to CS Office as DC/Bishnupur
- R. Sudhan**, IAS, DC/Churachandpur as Special Secretary (Tourism, RD&PR) & SMD (MSRLM)
- C. Arthur Worchuiyo**, IAS, DC/Imphal East as Director, Transport
- N. Geoffery**, IAS, DC/Imphal East as DC/Imphal West
- H. Rupachandra**, IAS, DC/Noney as Director (Coop) & Registrar (Cooperative Societies)
- L. Nabakishwar**, IAS, Director (Coop) & Registrar (Cooperative Societies) as DC/Thoubal
- Hrishekesh Modak**, Arrival IAS, Relief from Joint CEO, Manipur & waiting for posting as Joint Secretary (Finance) & Commissioner (Excise & Taxation)
- B. John Tlangtinkhuma**, IAS, DC/Tamenglong as Director (Education-U) & Chairman COHSEM, Joint Secretary (Hr. & Tech. Edn.)
- Amstrong Pamei**, IAS, DC/Kamjong as DC/Tamenglong
- Th. Chitra Devi**, IAS, Director (Edn. U) & Chairman COHSEM, Joint Secretary (Hr. & Tech. Edn.)
- H. Rochita**, IAS, Director (Transport) as Joint Secretary (Forest & Env./IPR)
- Ksh. Robert**, IAS, Relieved from DC, Senapati & attached to CS Office as On compulsory wait
- Shyam Lal Poonia**, IAS, DC/Thoubal as DC/Churachandpur.
- H. Worshang**, IAS, Joint Secy (Finance, TA & Hills) & PD, MACS as DC/Noney
- Th. Kiran Kumar**, IAS, DC/Kakching as Director (Edn-S) & SPD (SSA, RMSA)
- Neilanhang Telien**, IAS, SDO/BDO Machi as DC/Kakching
- Ms Kengoo Zuringla**, IAS, Joint Secretary (Forest & Env./IPR) as DC/Kamjong
- N. Praveen Singh**, IAS, Director (Edn-S) & SPD (SSA, RMSA) as Director, YAS
- L. Darinso Aimol**, MCS, CEO, Autonomous District Council, Chandel as Dy. Secretary (CADA, Labour & Employment)
- Ms Arambam Valentina**, MCS, Dy. Secy (RD & PR) & ASMD, MSRLM as Dy. Secy. (Health) & PD, MACS
- Shamim Ahmad Shah**, MCS, Admn. Officer (Edu-U) as SDO/BDO Machi
- D. Radhakanta Singh**, MCS, AC to DC/Chandel as SDO/BDO Chandel and AC to DC, Chandel
- T.S. Kothar**, Addl. CEO, Autonomous District Council, Chandel as Addl. CEO and in-charge CEO, Autonomous District Council, Chandel.

Mi inhmang a thisaa hmu

IMPHAL: May 17, 2017 a inhawka a umna hriet lova inhmang Hiron Priyokumar(28), S/o H.Manichandra of Heingang Panthoibi Leikai, Imphal West District chu zani zingkar dar 10 vel kha a thisain Tangjeng le Moijing inkarah hmu a nih. Priyokumar hi May 17, 2017 a kha SBI, Gandhi Avenue, Imphal Branch a pawisa sielut dinga fe, in lawi ta lo a nih.

Keirao MLA hlui Thl Karam a thi

IMPHAL: Manipur-a Keirao A/C MLA hlui Thamarjit Karam chu zani hmasa zan khan damnawna lein Apollo Hospital, New Delhi hmunah kum 47 mi niin a thi. A ruong hi wawisun rawliem ning a tih. Mr Karam hin a nuheie bakah nau nuhmeite kum 3 mi a thisan. Keirao Assembly Congress Committee chun Mr Karam thi hi an sunthu an puong.

Myanmar raltlang 338 hai thawnkir

AIZAWL: Myanmar-a Arakan Army helpawl hai le Myanmar sipai hai inbeituona leia tia Mizoram-a hung raltlan Myanmar mi 338 hai chu Assam Rifles le district thuneitu han Myanmar ram tieng an thawnkir nawk vawng tah. Myanmar a inthawka hung raltlan mi 338 hai hi May 19, 2017 a kha Ra-

Rahul in Saharanpur a van zin phal peklo

LUCKNOW: May 5, 2017 nia Uttar Pradesh-a Shabbirpur village-a buoina suok le Dalit hai in raw pek a nina le inzawma May 27, 2017 nia Congress Vice President Rahul Gandhi in Shabbirpur a sir a tum chu Saharanpur district thuneitu han phalna an pek nuom nawh. Buoina suok le inzawm khan SSP Subhash Chandra Dubey chu May 24, 2017 kha a sina inthawk suspended a nih. BSP Chief Ms Mayawati chun tulai hnai kha buoina suokna hmun hi a va sir a, Yogi Adityanath inrawi Uttar Pradesh sawrkhar chu dan le thupek ngirhmun enkawl zo loin an tum. Buoina suok huna kha mi 1 in thina a tuok bakah midang 15 velin hliemna an tuok a nih.

Army han BAT pahni an kap hlum

NEW DELHI: Indian Army chun zankhan Uri sector a patrolling team Pakistan Border Action Team (BAT) terrorist pahni an kap hlum. BAT pawl hin Indian army le border post hai an hung bei rawp ta a, May 1, 2017 khawm kha Army personnel pahni thatin pakhat lem chu a ring an tanbawng a nih.

LAKTAWI

SSC paper league
thuah mi 7 man

LUCKNOW: Staff Selection Commission (SSC) huoihawtna hnuoia April 30, 2017 nia multi-tasking (non-technical) post lakna dinga written examination uma question paper suk leaked tu nia intum zankhan Uttar Pradesh Police chun mi 7 an man a, FIR an registered khum.

Question paper suk leaked tu hai hin exam hmain question lo neiin a dawna (answer) hai WhatsApp fethlengin candidate hai lai an thedar nia intum an nih. (AIR)

Mauritius PM a hun-
gtlung

NEW DELHI: Mauritius Prime Minister Pravind Kumar Jugnauth chu India rama ni 3 sung cham dingin zani zingkar khan New Delhi a hungtlung a, wawisun hin Rashtrapati Bhavan-ah ceremonial reception neipui ning a tih. India ram a cham sungin ram thuoiu dang dang hai inhmupui a tih.

A umna chin hriet
lova inhmang Suk-
hoi-30 hlek hmu

TEZPUR: May 23, 2017 nia dan pangngai anga Tezpur IAF base, Assam-a inthawka training-a vuongsook, a umna chin hriet lova inhmang Indian Air Force vuongna Sukhoi-30 MKI fighter jet hlek ni dinga ring chu zanikhan a vuongsookna airbase a inthawka km. 60 vela hlana hmuna hmu a nih. (OD)

A pa a that

THANE: Thane district-a Masnachi Wadi village a chun pasal kum 27 mi Vilas Wagh le a pa Gajanan Wagh (50) hai chu insung thilhan an inselbuoi a, an insuol naah Vilas Wagh chun a pa hi lungin a sut lum. Hi thil hi zani hmasa zana kha tung a nih. Vilas Wagh hi Police han manin case an siemkhum. (PTI)

Naxalites han Rel
engine an raw

RANCHI: Jharkhand-a Bokaro district-a chun zani hmasa zan dar 11:30 vel khan Naxals helpawl ni dinga ringhla han Dumri Bihar Railway lai thil phurna Rel engine an rawsiet. Maoist hai hin signals and communication set chu an raw a, a kangsiat nasa hle niin senior official thusuok chun a hril.

Tu hri hin Separatist
hai inbiokpui ninaw
ni hai: Jaitley

NEW DELHI: Defence minister Arun Jaitley chun, Jammu and Kashmir-a tharum thaw dinga mipui hai infulpawrtu Separatist hai chu tu hri hin inbiokpui tumna a um nawh tiin zani hmasa khan a hril. Sawrkar chun Kashmir mipui hai harsatna chingfel le inbiokpui a nuom a, inbiokpui bawka tih, sienkhawm tharum thaw dinga infulpawrtu Separatist hai chu tu hri hin inbiokpui ninaw nihai tiin a hril.

GST dodalnain TN a Hotels
hai May 30 ah khar an tum

COIMBATORE: July 1, 2017 a inthawka hmgang tan dinga ti Goods and Services Tax (GST) bill chungthua an lungawinaw zie suklangnain Tamil Nadu-a hotels le restaurants hai chun May 30, 2017 khin nikhath sung an Hotels le Restaurants hai khar an tum. Hi nuormaa hin Coimbatore le a sevela Bakeries 1,500, Restaurants 400 le hotel chin 300 vel thangin Tamil Nadu State pumpuia

Hotels le Restaurants nuoi 2 chuongin an thlawp ding niin Tamil nadu Hotels' Association chun an hril a. An strike nei tum hi Kerala le Pondicherry haia association hai khawmin an thlawp thu a hril bawka.

GST hnuoia non air-conditioned le air-conditioned restaurants han 12% le 18% tax an pek dinga ti chu tam an ti leia hienggang nuorma hi nei an tum a nih. (ANI)

Hmeithai kum 70 mi in
charity-ah Rs. 40 lakh a pek

MATHURA: Madhya Pradesh-a Katni hmuna hmeithai kum 70 mi Phoolwati chun a life saving Rs. 40 lakh zet thangpui le sawmdawl ngai hai sawmdawl naah hmgang dingin charity-ah a pekdawka.

Ms Phoolwati hi kum 5 liemta a pasal le a nauhan an thisan hmgungin kum 1982 khan Mathura hmuna

fein, Banke Bihari temple sir tu hai pheikawka enkawltu in gate No. 2-a um a, chu sin a thawnaa visitors haia inthawka donation a lakkhawm hai chu sie tha peiin le Katni hmuna a ro zawrin Rs. 40 lakh hi a hung neitling a, chuonng a saving hai popo chu charity a dingin a pekdawka nih. (TNN)

Punjab DGP hlui KPS Gill a thi

NEW DELHI: Punjab DGP hlui KPS Gill chu kum 82 mi niin zanikhan New Delhi hmuna lungphu chawlin a thi. KPS Gill hi Punjab State sunga helna nuoiobotu ti hiela hril a lo nih.

Gill hin kum 1995-a a pension hma chen khan

Punjab DGP sin wawihni a lo chel a, a pension hmgung hin Indian Hockey Federation (IHF) President dinga thlang niin kum 1989 khan India rama civilian chawimawina insang tak a inthawka a palina Padma Shri inhlan a nih.

CBSE Class XII result May 28 ah puong ding

NEW DELHI: Central Board of Secondary Education (CBSE) hnuoia Class XII Exam 2017 result chu May 28, 2017 khin puong ning a tih. CBSE hnuoia kum 2017 a Class XII exam-a hin nuhmei candidates 4,60,026 le pasal 6,38,865 an um a nih. Result hi cbseresults.nic.in ah en thei dinga sie ning a tih.

Over-speed lein jail intang dingin

HYDERABAD: A hmasa takna dingin Hyderabad-a local court chun Bike-a speed limit pel (over-speed) a tlan mi 3 hai chu jail intang dingin an chungthu a rel bakah midang 2 hai chu lamthuom hmun hran hran haia traffic awareness messages inziakna placads chawia nikhath sung social service sin thaw dingin an chungthu a rel.

Inrinni liemta zan khan Necklace Road lai Traffic drive thaw a ni a, chu

hunan speed limit neka hrat (50km/hr chung) a tlan mi 18 traffic police han an man a, hi laia 5 hai chu 100kmph a hrata tlan an ni lein chargesheet file khum le hienggang hremna hi siemkhum an nih.

Speed limit pela tlan mana um hai hi Traffic Training Institutes (TTI), Begumpet le Goshamal hmun haiah counselling pek an ni bakah fine Rs. 1,000 seng ichawitir an nih. (TNN)

China-in Mongolia
Police Officer a that

BEIJING: China communist sawrkar chun Mongolia sungiril hmartienga Police Chief hlui pakhat chu, tuolith, fakruk, thamma lak le silai le bomb kawltua intumin a that. State media hai hril dan chun, Shanxi province a Taiyuan City court pakhatin Supreme Court remtina dungzuiin Mr Zhao Liping, ex-Police Chief chu thi dingin a chungthu rel tah a nih.

Official thusuok hril dan chun, Zhao hin ni kum khan nuhmei pakhat kum 26 a that a. Inner Mongolia police

chief a ni sung 2008-2010 khan thamma pawisa Yuan million hni a lak bakah a office ah bomb sawkuokna detonators 91 a bakul bawka nih.

China hin kum tinin mi iengzam a that (execute) hlaka ti record siemin a puong ngai nawa chu. Amnesty International hril dan chun, China hi khawwela mi that rawntak ram a nih a. Kum tinin a tlawm takah mi 1,000 vel a that hlak ti a nih. Ni kum 2016 khan sang khat neka tam that (executed) an nih, a tih bawka.

Trump-in EU Kuomah, "German-hai an suol" tiin a hril

BRUSSELS: Khawwela inremna le muongna a um theina dinga sakhuo le politics hmanga, abikin ram-bung pali a ngai pawimaw bikhai sir kuol dinga inzin, European Union le NATO le US inlaichinna sukhrat nawk zuol tuma EU hotuhai inhmupui, US President Donald Trump chun ip nei der lovin, mi frank tak a nizie le diplomacy a them nawzie suklang nawkin "German hai chu suol tak an nih" tiin EU member hai a hril.

Politician neka businessman a nina suklangin EU Council President Mr Donald Rusk le EU Commission President Jean-Claude Juncker hai inhmupuiin sumdawngna (trade) thu an hritläng a. Trump chun US le Germany trade deficit \$65 billion sirsanan, "German hai chu misuol an nih, suol tak an nih" tiin a hril a. EU hotuhai innui an um nawh, hmél thum



dupin an ngaitlák ringawta. Juncker-in EU fe dan le thil umdan hritfel a tum nasa hlea chu Trump chun a hril nuom po a hril tho a. "German haiin Car mak-taduoi tel US-a an hung zawr khu en ro, kan la khap ding a nih" a tih bawka a. Juncker chun Germany tannin khawwél hmasawn theina dinga free trade pawimaw zie a hrilpek a. EU member dang danghaiin an hung zawma, sumdawngna sukhlawk dan dinghai an hritläng. US Census Bureau dung-



VISION ACADEMY

Rengkai, Churachandpur – 795128, Manipur, India
CoHSEM Recognised – 1/321/09/HSC

CONGRATULATIONS VISIONIANS

Vision Academy congratulates its students for their achievements in the Higher Secondary Examination (HSE), 2017. Our Special gratitude goes to candidates who secured letter marks in English, Geography, History, Political Science, Alternative English and MIL (Hmar, Paite, Mizo).

With a 100% Pass Percentage and the No.1 Position Rank in Churachandpur, Plus all Manipur Rank Holder in Arts Stream, Vision Academy is extremely proud to all Successful Candidates.

We Wish them all success in their future academic endeavour.

Sd/- Principal

Separatist han wawisun protest nei an tum

SRINAGAR: Jammu and Kashmir-a Army major pakhatin insanhimna dinga a Jeep hmaa pasal pakhat hruia a khuopde hungah chawimawina pek a la hang ni nawk chu mihriem insawisak dan ding a ni nawh tia sawiselin Separatists group lien deu pathum-Syed Ali Shah inrawi hard-line Hurriyat Conference, Mirwaiz Umar Farooq inrawi moderate Hurriyat Conference le Yasin Malik inrawi JKLF pawl chun thusuok siemin May 27, 2017 hin protest an nei ding thu an puong.

Jeep hma pasal khuopde tu kha Major Leetul Gogoi a ni a, April 9, 2017



Budgam district-a Srinagar Lok Sabha Constituency byelection huna mipuiin suok thei lova an dangchil huna protest-a thang mipui han lunga an deng nawna dinga a Jeep hmaa a khuopde a nih. Major Leetul chun kha thil kha mipui hringna sanhimna dinga a thaw a ni thu a hril a, a sipai hai silai kap ding thu a pek chun mi tam takin an thi pha ding leia khang thil kha a thaw niin a hril a nih. (PTI)

NCP le CPI-M chau EVM Challenge-ah an thang ding

NEW DELHI: Electronic Voting machines sukdanglam thei a nih tia intumna um le inzawma Election Commission in June 3, 2017 a inthawka EVM challenge a ko a chun Left party CPI(M) le Sharad Pawar inrawi Nationalist Congress Party (NCP) chau an thang ding a nih. Lalu Yadav party RJD khawmin application an pek a, sienkhawm deadline a lo

pel hman lein hnawlppek a nih. EVM challenge a thang dinga inhinna pek thei hun hi zani zantieng 5PM khan a tawp ta a, deadline tawphnung minutes 39 a RJD in application hi an pek a nih.

EVM Challenge/Hackathon hi June 3, 2017, 10AM-2PM inkar sunga nei ding a ni a, Aam Aadmi party le Congress chun EVM Challenge-a dinga condition a siem chu sukdanglam dinga phutin EVM Challenge a hin thang an tum nawh.

Syria ah Air-strike-in Civil mi 35 an thi

DAMASCUS: Syria rama indona monitor tu Watch Group pakhatin a hril dan chun, Islamic State helpawlhawp khuo pakhat saktieng biel Deir al-Zor kawla al-Mayadin khawpui ah vuongna bomb hmangin helpawl hotu pakhat sung le kuohai thangin civil mi 35 an thi niin a hril.

Muslim helpawhai dotu US thuii Allies coalition thupawngtu-in a hril dan chun, May 25 le 26 khang US indo vuongnahai chun al-Mayadin ah zawrtu khawm 35% tax a lak ding thuin a lo vau tha a nih. "Khawwela Car thatak siem in nuom chun siem ro. America ta ding Car khawm siem thei in th. Anachu, US-a Car hung lut pakhat peiah 35% tax in pek tul a tih" tiin January khan German magazine Bild a lo hril tah.



Britain-base Syrian Observatory for Human Rights hril dan chun, ni hni sung vuongna hmanga bomb thlak a nih tah lein civil mithi 50 an tling tah. Mita hmutu tuolsung mihai hril dan chun, zing dar 7:25am velin bomb phur vuongna an hung hmain enthlatu

vuongna a hung hmasa a. Chu hnungah Building pahni, Moroccan mi Islamic helpawlhawp le an sung-hai umna building sawng hni chu an hung bomb dar wawng, tiin an hril. US chun Muslim helhai donaa bomb an thlakna kawngah thei patawpin civil mi an them nawna dingin an fimkhur thu a hril a. March thla sung khan Mosul khawpui rook chu helpawlhawp an beinaah civil mi 100 vel a thi an um tiin a hril a. Local mihai chun 240 niin an hril ve thung.

Iraq sawrkar chun Mosul khawpui chu an lak sunzawm pei a. May 27, Muslim hai thla pawimaw Ramzan intan hma ngeiin Mosul khawpui po po lak fai wawng an tum thu Army commander chun a hril.

Hienglai zing hin Syria le Iraq-a Islamic helhai chu an tlawm tiel tiel tah a. Tamtak an tlanuok zing bawka a. Helpawl tlan suokhai chu Syria rama Euphrates vadung kamah an inkul a, chutaka chun thang-hmun an khuur niin official thusuok chun a hril.

An inbiok zo hin Mr Tusk chun EU le Trump chun sumdawngna thil le helpawl dona ding thuhai tamtak an hritläng thu a hril a. Climate Change le thil dang dang, Russia chun-gchanga thu dam hril lo "open" an la um niin a hril.

BETHESDA COLLEGE OF NURSING
Muolvaipei, Churachandpur
ADMISSION NOTICE
BETHESDA COLLEGE OF NURSING invites a female candidate for admission to B.Sc. Nursing and General Nursing & Midwifery (GNM) course for the year 2017.
ELIGIBILITY: -
(1). B.Sc. (N)=Class XII Science (PCB&E).
(2) GNM= Class XII (Arts/Science)
Application Procedure:
(1) Application form & Prospecturs can be obtained from the office at Muolvaipei on all working days.
(2) Christian Book & Stationaries, ICI Sectt. Building, Sielmat
Limited Seats- First come first serve basis.
Contact Nos. 961578636/ 9856376435/ 9856292890

**VANGAI MIPUIHAI
KUOMA INHRIETTIRNA**
Ka RAM Phaibaw Hmunte ah, Lemon Grass le Tea Plantation thaw na dingah TATA Company hai le MOU ziek ta angin, October, 2017 thla a inthawka a chingna ding hmuna enfel tan ding an ta lein, Vangai mi tuelkhawm inhinna nei taphawthai lawmlut zing in nih. A biktakin Election boruok le inzawma Mizoram thei le theilova inpem el tum hai ta dingin, Huon hmund ding diit ruol pek thei a nih. J.T. Road bul lai khawm khuothar an nuom chun siem thei ning a tih.
VANGAI KANAN RAM THAR, indin dingin Vangai mipuihai lawmlut zing in nih. In 1000 in kan ram hi huon ei dittawka seng siem thei ding a um a nih. Ram um naw ni a, Lal share khawm an naw nih.
Sd/- Mr L. Rokhum
Chief of Phaibaw Hmunte
Phone : 8974522711

KA RAM KA BANDA NUOM
Meghalaya East Jaintia Hills District Khaddum village a ka ram (tuklo ram) a hnuoi Cement lung/Chineil lung (lime stone) wawng a sip, Sq. 50,000 a lien, District Council in L.H.C fel tak/indik tak le a map chinglung taka siem chu insung mamawna le harsatna lein Nuoi 12 chawin ka Banda nuom/phal.
A hnuoi man ringawt le a hlutna le chun nuoi 150 manha a nih. A hmun chu Star Cement Factory ralkhing char a um a nih.
Biek theina: 9615959583

LAWMTHU HRILNA
Hun iemanichena inthawka ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka tak-sa a hugn chawin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biokrawn thei a nih.
Lawmthu hritlu,
Sd/-Rose
Bijang

PIGROW Tablet
VAWK INTHANGNA DAMDAWI
I vawk zawr hun tingna dingin kum khat nek tam nghak ngai tanaw nih.
A THATNA:
* PIGROW mum hi Company-hai ti dan ang taka i pek chun thla 5 sungin kg. 70 chuonkai hman a tih.
* PIGROW mum hin, i vawk chu i pek tana inthawka chawl der loin an thang tir thei.
A PEK DAN DING:
* Vawk pakhatah nikhatah mum 20 (zingtieng mum 10 le zantieng mum 10) pek ding.
* Box khat ah mum 600 a um a, chu chu thlakhat sunga a fakzo ding a nih.
* Rawt phita pek in fak awlsam an ti lein.
INCHAWK THEINAHAI:
1. Hmingi 2. L.K. Screen Printing
Bethel, CCPur Lighthouse Lane, CCPur
8414852391
3. Pet Care Centre, Tiddim Rd. CCPur.
Order tam dan dungzuiin HOME DELIVERY khawm kan thaw thei.

**Modi sawrkar kum 3 tling
lawmpuinain ni 4 sung Re.
1 rate in mi a phur ding**
BENGALURU: Mangalore hmuna Prime Minister Narendra Modi ngainatu Autorickshaw driver S. Satish Prabhu (44) chun Modi sawrkar kum 3 tling lawmpuinain Zirtawpni-a inthawka khan ni 4 sunga dingin km. 5 chena hla chuong man Re. 1 rate in a autorickshaw-ah mi a phur ding thu a hril. Re. 1 rate-a passenger a phur ding thu hi a Auto hmaah a tar a nih. A Auto number chu KA20/9388 a nih.
Modi in ei ram ta dingin thiltha tam tak a thaw a, chu lein lawmthu hriinaa hieng-gang thil hi a thaw niin Mr Prabhu chun a hril. Modi in India PM a hung chel tum khawm khan a lawmpuinain a auto chuongman hi a lo sukhnuoi ta bawka a nih. (TNN)

TUOLSUNG Disaster Management Training nei

CCPUR: Churachandpur district sunga khuo lal, headman, Community Leaders, Educated youths, club members le Organisation tum tum hai ta dinga May 24, 2017 a inthawk ni 3 sung aw ding Disaster Management Training tana um chu zanikhan zo a nih. Training hi Civil Defense, Forest & Meteorological Department han Relief and Disaster Management, Govt. of Manipur sponsored-na a an huoihawt a nih. Training sung hin Chi Raishi Leo, Senior Inspector, Civil Defence; Kh. Bira Singh, (Retired) Divisional forest Officer, Sagolband Imphal; Ayub Khan, Staff Officer Training, Disaster Management, Govt. Of Manipur hai Resources Persons in an thang a, zanikhan Mh. Khan, Principal Secretary khuolliena than-gin training hi a khar.

NERCORMP hnuoia sinthawna hai enfel



CCPUR: Mr D. Khuala Vaiphei, Project Manager inrawinain zanikhan NERCORMP staff le reporters han kum 2016-17 sunga NEC hnuoia DoNER fethlenga NERCORMP le an zawmpui NaRM-G le NGOs tum tum hank haw hnan hrana sin a thawna (project) hai enfelna an nei. K. Salbung NaRM-G le partner NGO Action for Women and Child Advancement (AWCA) chun NERCORMP hnuoia mipui hman ding Water Tanky Rs. 55000 an siem a, Vajing khuoah Vajing NaRM-G le partner Ngo AWCA chun water tanky an siem baw. Tollen NaRM-G le AWCA chun 2015-16 sung khan water tanky an siem bakah Monglenphai-ah Water tanky an siem baw a nih. Hieng a chungu project thawa um hai enfel a ni zo hin Monglenphai-ah mipui hman ding Rs. 3.64 lakh senga bawl Common Facility Centre semi pucca a siem hawngna nei a ni a, hi huna hin D. Khuala Vaiphei chu khuollienin a thang. Hi zo hin Haotak Phailen khuoa Spice Grinding unit hawngna nei nawk a nih. Spice Grinding Machine unit hi NERCORMP in 2016-17 project hnuoia Rs. 1.5 lakh bakah Haotak Phailen khaw mipui han Rs. 64000 an thawlawm hai hman siem a nih. Hieng hai bakah NERCORMP hnuoia project hnan hrana thawa um hai enfelna nei a ni baw. CCPur district-a dingin kum 2016-17 fund budget approve dungzuiin Rs. 23 crore hung lut dinga ti a ni a, sienkhawm hun inptepa ta lein CCPur a dingin Rs. 19.30 crore a hung lut a, hi laia Rs. 16.52 lakh hman a ni ta a, Rs. 2 crore chu fund lut intak lei le financial year lein hman hman loma um a ni a, 2017-18 sunga dingin Rs. 24 crore siem a nih tiin D. Khuala Vaiphei chun a hril.

Revenue Minister Reminder an pek

CCPUR: Saikot Sub-Division Demand Committee (SDDC) chun Revenue Minister Mr Karam Shyam chu a office ah inhmupuiin minister a kai lawmpuina Thangsuopon an insilitir a. Saikot Sub-division-in a pawimaw le harsatna a tuokhai a thei ang thangpui dinga an ngenna Memorandum (reminder) an pek nghal baw. Minister chu a thei ang angin a tul le pawimaw dan dungzuiin a thangpui ding thu a lo hrilpek a. Hi thu le inawm hin DC/CCpur khawm a hei biekg ngal a, a tul ang ang hma lo la dingin a hril niin SDDC Secretary Mr R. Lalkaisanga le Chairman Mr Timothy Z. Zote hai thusuok siem chun a hril. SDDC team hi Chairman Mr Timothy Z. Zote, Secretary Mr R. Lalkaisanga, Vice Chairman Mr Samuel Darn-gawn le Member Lalsandam hai an nih a. Revenue Commissioner khawm an inhmupui ngal a. An thil buoipui le harsatnaha tha tak le inhawng taka a lo thlawp ve hlak leia lawmthu hrlin Thangsuopon an insilitir ve. Saikot SD sukpuitingna dinga hmalapuitu le thang-puitu, ditsaktu po pohai kuomah lawmthu an hril baw.

Queen Elizabeth-in Bomb-a Hliemhai a Kan

LONDON: Kum 91 a ni taa chu nu tamtak nek in a la bengvarin a kal a la zang lem. Queen Elizabeth II chun a rammihai po po chunga nu (lal) a nina angin Thawtanni zana Manchester Arena-a US nunghak hlasakthiem Ariana Grande concert nei laia bomb puok leia hliem Royal Hospital-a enkawla um-abikin naupang kum 16 hnuoihai - a va kan tawl a, an thla a muong pha hle. Royal Manchester Children Hospital, naupang le tleirawl kum 16 hnuoi 12 t hanga hliem 64 an enkawlina chu "moral-boosting visit" a va thaw a. Huoisenna dam, tumruna le selna dam, zaid-awmtheina le ngaidamna thuhai an chuktir a. Bomb sukpuokna kha "thil suol tak" niin a hril a. Kum 14 Evie Mills chu a khum sirah va ngirin a titipui a, "A suol thlaka, hazat a um baw a nih; khanga mi insukhlina va target kha" tiin naupanghai



hlimna ding chu tukhawma an lakpek thei ding an nawzie a hril, a thlamuon a nih. Kum 15 Millie Robson chun, Ariana Grande lim umna T-shirt a hak chu Queen an hmutir a. VIP ticket pahni a mana a ruolnu leh 'global superstar' hlasak concert en dinga an fe thu a hril a. Back stage tieng Ariana hmu an tuma chu an hmu thei ta naw leia paw a ti thu a lo hril mawl mawl a. Hla a sak zo charin bomb kha a puok niin a hril. Lalnu chun, "A paw i khawp el. Hung dam vat raw

Paris Hilton le Chris Red Carpet-a in-kiss



le kutsebi a bun bawk a. A sam hlim tung vawngin a awmbaw inlang vawngin, skin-tight Gown hin inrek tapa manin hnuoi a phit duol duol bawk. "Left Over" star Chris, Tuxedo (suit) dum hak chu a ringah kuoin a hmur takah det takin a hei fawp ngawi ngawi a. Tlun zuta ngirin Chris khawmin a hei inawm meta, a lo fawp kir ve a. Nupa tak tak an hawi tah hle. Paris Hilton chun February 2017 a inthawka a zui tan chau Chris hi a 'hmangaih tak' niin a hril a. Social media haiah ip lovin a thedar a nih. "Ka hringnun ah tuta nekha chieng lem hin ka la um ngai nawh a. Chris hi 'a nih ding tak' chu a nih. Kawng iengkimah a tha vawng" tiin a hril. Kar liemta khan Chris a birthday an lawma, Paris chun, "Hun sawt taka inthawkin ruoltha kan lo ni tah a. Tulai hnai khan kan inhnai suol tak taka inlaichinna kan nei chauh a nih. Ka special ta hle a, ka hlu sawt niin ka hriet; Chris ka hmua inthawkin. Iengtiklai khawm kan um kawp ran hlak. Hni ding dang ka hriet ta nawh. Ka ta ding chun 'perfect' a nih" tiin a birthday lawmpuina thu leh, "Happy birthday to the love of my life, my best friend, my every wish & dream come true" tiin a puong.

Perrie Edwards "Little Mix" music video thar

LOS ANGELES: Nunghak hmeltha le sexy danglam bik ricuna nei, hlasakthiem le lam them, sex appeal tha tak neia mi hip thei em "Little Mix" member Perrie Edwards (23) le a ruolnu Leigh-Anne Pinnock (25) hai pahni chun an music video single thar suklarna dingin. Car chunga a hei in thei par vel chu, a nal sexy ti naw thei an nawh. Kekawrte (panty) bun lo ang hielin leather kawng-hren le bra top bun, a malpu po po le a awmbarhai sir zawnga inhawng vawngin Car sungah a thalin a hei zala, mit meng khu sain a sir zawnga mi a hung mel chu, val lunglai inphu naw



chu um naw ni hai. A ruolnu Leigh-Anne Pinnock khawm Jean jacket inek neng nunga a nenahai thupin, kekawrte (panty) var tight deuvin a phing bul chen mar teng tawng bunin mitmeng khu sai sain, kawng inert awn tawna lamlien a hung lawn pheia hla a hung sak malam pei chu, mani an ring zo tawk hle ti an hmu thei. An ruol danghai Jesy Nelson (25) le Jade Thirlwall (24) hai khawm an duoi nawh.

Cristiano Ronaldo in London-a an lang ding a thul




LONDON: Inrinnia Real Madrid forward Cristiano Ronaldo in London hmuna InterContinental Hotel-a SIXPAD training gear promote dinga an lang ding chu tulai hnai Manchester Arena hmuna thichil bomb sukpuoka um lein an lang ding a thul a, hi lei hin SIXPAD training gear promote programme siema um ta khawm thul a nih. Bomb puok leia security nasa taka sukkhaw zool a ni leia program hi postpone a ni thu zanita SIXPAD thusuok chun a hril. Bomb sukpuok a ni lei khan Indinnia FA Cup final le rugby Union premier-ship final hai Inrinni-a London hmuna khel ding lein sports bodies hai khawmin security arrangement an enawn tawl a nih.

Katy Perry-in Manchester-a thihai a sun



LONDON: Khawvel hmun hrana hlasakthiem le milien miwar hai chun Thawtanni a Manchester bomb puok leia mithihai sunna thu an la puong zawm pei a. Hlasakthiem Katy Perry khawmin Ningani zan khan London, The Water Rats pub concert a neina ah Manchester mithihai a sunpui thu hrlin, mithi pumin a tap zawi zawi. Kum 32-a upa Katy hin thichil bomb hman-gu tlangval kum 22 mi Salman Abedi leia thalai deu vawng 22 an thia 119 an hliemna chu paw a ti thu hrlin, mithi singhai kuomah sunna thu le tuorpuina thu a thawn laiin a fans hai po po le khawvel mipui kuomah "helpawlhai hnena inchantir lo" dingin an fui tawl a nih. Katy Perry hin a hlasak ngaitlathuhai fielin mithi singhai sunna minute khat to tawkin hun a hman-gui a. Hienglai zing hin Mexico ah Britain tlangval Harry Styles tour nei mek khawmin zan hmasak khan mithihai sunna hun minute khat to tawkin an lo hman-gu ve. Katy Perry chun, "Tuta kar chu a rinum em em a. Music ngainatuhai ta dingin a rinumin a harsa bik a nih. Music ei ngaina seng lein. Unahai ngaituo ro. Music chu ei ngaina seng a nih, hringna leh. Thina a tlung hi a paw a nih. I thei ang angin thangpui ve rawh, i thei naw khawma a paw nawh. Leng-khawm nisien, helpawlhai hnena ei inchantir ding an nawh" tiin a hril. Katy Perry hi kum 10 liemta khan Britain, hi lai hmun bawka hin a hlasak bul a lo tan a nih.

Lady Diana Hand Bag Hman Dan



chu awm phel, dar inhawng an nih hlak a. Car a inthawka hei suok ding le hei kun met ding phat hin a nene bal an lang ding kha vengna dingin a hand bag a hman hlak a, tukhawma changzie mawinawin an hmu chuong nawh. Lady Diana khawmin a hand bag hai chu 'cleavage bags' (nene bag) a tih hlak a, kan innui dar dar hlak" tiin Anya chun a hril. Nuhmei tamtakin an zak thupna dinga iemani an hman hlak angin Diana chun a nene thupna dingin a 'hand bag' a hman hlak a. Thiem takin inzak thupna ding chaw ni lovin kawng danga khawm a hman tangkai a nih. Kate Middleton ruok chun hand bag a hman nawa chu a kut pahni suiin hmateng sien inthlawng/ inngaitlawm suklagna dingin a thaw hlak. Queen Elizabeth khawmin a tarmit siena ding chaw nih lovin kawng danga ding khawmin a hman hlak. A siehlawhai thil hrlin dang, fe tah ding/an zo tah ti an-nawleh mi le an inbiekna a zova thu danga pakai a nuom tah ti suklagna ding damin a hman hlak. Royal historian Hugo Vicke-ers hril dan chun, Queen-in a hand bag a chawi thlang, kut pakhata inthawka a kut dang tieng a chawi thlang tah chun inbiekna tawp a nuom tina a nih a. Events/ program neinaah a hand bag dawkan ah a sie tah chun fe a nuom tah tina a nih. Lalnu hin thu danga lut a nuom tah ti suklagna dang a nei bawk a. Chu chu an Inneina kutsebe thema tuoi let a nih. Kutsebi a thema a tuoi tah chun inbiekna (topic) suktawpa thu danga lut a nuom tina a na. Lalnu'n a kutsebi a them am-anih hand bag hman-gu a siehlawhai a hril tah chun, a siehlawhaiin to tawkin an zawm el hlak, niin a hril. "Lady Diana zakuo hakhai kha tamtak

FA Cup Final Preview:



England-a Football Tournament upa tak FA Cup tia hrietlar chu vawizan Final Chelsea le Arsenal inkhel an tih. An inkhelna hmun ding hi Wembley stadium ning a tih. Chelsea hi Premier League Champion zo hlim an ni lein an inringzo thawkkhat hle ring a um a. Arsenal khawm Semi Final-a Manchester City an hne dan en chun an inring taw ve hle tho ring a um. Arsenal hi an hrat lem chun FA Cup la rawn tak (vawil3) an ni ding a nih. Tuhin Manchester United leh vawi 12 ve ve an lak tah. Chelsea khawm an hrat lem chun kum 2010 hnunga FA Cup le Premier league an lak kawp nawk hmasak-na tak ning a tih. Arsenal hi defense tieng an buoi met el theia ngai a nih asan chu Gabriel le Laurent Koscielni hai an thang thei naw ding a ni lein. Arsenal Manager Arsene Wenger chun, "K club ta dinga hrat ka nuom a, mimal thil a ni nawh. Kei ka hmabak chu ieng ieng khawm ni sien Club ta dinga hlawtlingna hi ka ngaipawimaw a nih," tiin a hril a. Chelsea Manager Antonio Conte chun, "Kan lo hrat lem vai chun tuta season chu theingihl thei ni naw nih. Double Cup lakna hun remchang tak kan nei a nih. Anachu a hrat lem dinga ka ring chu Arsenal a nih," a ti ve thung. FA Cup le inzawma hriet ding awmhai: • Tuta inkhel ding hi Arsenal le Chelsea FA Cup Final an inkhel vawihna ning a tih. Kum 2002 khan Arsenal chun Chelsea 2-0 in an lo hne a nih. • Chelsea an hrat lem chun vaviriet an lakna ning a tih. • A tu lem lem an hrat khawma season nuhnung 11 hai laia pasari chu Chelsea annawleh Arsenal-in an lak ta ding tina a nih. • Italian Manager-in Chelsea FA Cup lapui thei pali an lo um ta a, Vialli 2000, Ancelotti 2010, Mancini 2011 le Di Mat-teo 2012 hai an nih. Tuhin Chelsea an hrat lem chun Anonio Conte hi hieng ang thaw thei pangana a ni ding a nih. • Chelse hin FA Cup Final an kai nuhnung pali-hai vavikhat khawm an la tlawm nawh. Kum 2007, 2009, 2010 le 2012 hai khan an hrat vawng a, FA Cup Finala an tlawm nuhnung tak chu kum 2003-a Arsenal laka an tlawm kha a nih.

Pablo Zabaleta in West Ham United a zawm



London: Argentina full-back Pablo Zabaleta chun Manchester City le deal July 1, 2017 a tawp ding le inzawmin West Ham United a zawm ding thu zanikhan a puong. Zabaleta hin City leh kum 2 sunga dingin contract an nei a nih. Kum 32-a upa Pablo Zabaleta hi City chun a lo inthla (released) fel diem ta a nih. City-a a um sungin Zabaleta hin Premier League vawihni le League Cups vawihni a lak hman a nih.

G-7 Rambung Thuoitu-hai An Inkhawm



ROME: Khawvela rambung changkang tak tak pasari inzawmhawmhai Group of Seven (G-7) thuoituhai chu Zirtawpni khan Italy ram inhaw tak Sicily thlierkara Taormina ah meeting an nei a. Tulai khawvela rikrapa chetna le tharum isuonahai, sumdawngna le politics thil-hai hril tlang an tih. Italian Prime Minister Mr Paolo Gentiloni inrawina hnuoia meeting hin helpawlhai tukdawl dan ding le North Korea nuclear program inchwiltir dan ding le khap dei dan ding le, Syria le Ukraine buoinahai an thupui deuh ning a tih. Zani laia helpawlhai beina tuok zo chau British Prime Minister Mr Theresa May chun Terrorism le internet thua discussion thuoit a ta, khawvela technological company le internet agency hai chu inrang taka helpawlhai thil reng reng sawrkâr thuneituhai kuom inrang taka a tlung vat theina ding le sui ngal theina dinga sukkhat dan dinghai hrlipui a tih. Internet khuokhir dan ding le a nekha tha lema govern dan dinghai hril tlang an ta. Helpawlhai chet dan suizuina kawnga intelligence inpekto danhai le cyber attack laka inthawka inveng dan dinghai hrlitlang bawk an tih. US President ta ding chun a khuolzin tawpna a nih tah a. Climate Change thu le trade thua iemani tak inremna an siem beisei a nih a. Ni hnu hnungah Joint Statement declaration an sukkhat ding a nih.

Victoria Azarenka in Wimbledon thang a tum



World No. 1 hlui Victoria Azarenka chun, tha 7 liemta nau pasalte Leo a nei leia inkhel a chawlsan hnungin beisei neka inhnain July thlaw Wimbledon Tennis championship hung um dinga khin thang hman a tum. Azarenka chun training tluong taka a nei mek thu le Wimbledon khel thei dinga an zo hman a beisei thu a hril a nih. Azarenka hi Australian champion khawm tum hni lo nita a nih.